



22.2.2020

📍 LOKASI : DATARAN KEHAKIMAN, PUTRAJAYA

**21
KM**

**10
KM**

**5
KM**

**3
KM**

anjaran:



dengan kerjasama:



SIARAN MEDIA

UNTUK LIPUTAN MEDIA MASSA

LARIAN BUDI WILAYAHKU HALF MARATHON PUTRAJAYA 2020 MENYEMARAKKAN SAMBUTAN HARI WILAYAH PERSEKUTUAN

PUTRAJAYA, 22 FEBRUARI – YB Tuan Haji Khalid bin Abd Samad, Menteri Wilayah Persekutuan hari ini menyempurnakan acara Larian Budi Wilayahku Half Marathon Putrajaya 2020 di Dataran Putrajaya, Presint 3 sempena Sambutan Hari Wilayah Persekutuan 2020. Larian Budi Wilayahku dianjurkan oleh Persatuan Alumni UiTM Malaysia (PAUiTM) dengan kerjasama Kementerian Wilayah Persekutuan, Majlis Sukan Wilayah Persekutuan dan Perbadanan Putrajaya.

Larian Budi Wilayahku merupakan salah satu acara yang disenaraikan di dalam Kalendar Sambutan Hari Wilayah Persekutuan 2020 sebagai usaha untuk menerapkan amalan gaya hidup sihat di kalangan warga Wilayah Persekutuan tanpa mengenal peringkat umur, jantina, kaum dan agama. Di samping itu, pelaksanaan acara larian yang julung kali diadakan ini bertujuan menghimpunkan alumni Universiti Teknologi MARA (UiTM) sejak ditubuhkan pada 1956.

Kira - kira 4,000 peserta tempatan dan antarabangsa mengambil bahagian menerusi 16 kategori yang dipertandingkan antaranya Terbuka Lelaki dan Wanita, Veteran Lelaki dan Wanita, Junior Lelaki dan Perempuan, Lelaki dan Wanita UiTM, Larian Ria, Keluarga dan Tetamu Kenamaan dengan empat jarak yang berbeza iaitu 21, 10, 5 dan 3 kilometer. Pemenang bagi setiap kategori juga akan menerima hadiah berbentuk wang tunai, piala dan sijil penyertaan.

Selain itu, terdapat beberapa aktiviti sampingan yang turut dianjurkan untuk menambah kemeriahan termasuk cabutan bertuah, antaranya hadiah tiket penerbangan ke luar negara termasuk Hawaii dan Turkey, pertandingan taekwondo (poomsae), karnival usahawan, gerai makanan serta pertandingan *Buskers*.

Penganjuran Larian Budi Wilayahku ini mampu dijadikan sebagai acara tahunan bagi mendorong lebih ramai penyertaan alumni UiTM khususnya selain mendorong rakyat untuk sama-sama mengamalkan gaya hidup yang sihat.

Disediakan oleh:

Unit Sekretariat

Budi Wilayahku Half Marathon 2020